



Central University of
Technology, Free State

Ho tswa ofising ya Motlatsatjhanselara/Hlooho

MOLAETSA HO SETJHABA SA CUT

TSHEHETSO LE TLHAHISOLESEDI MABAPI LE MATSATSI A 21 A KGINO YA DITSHEBELETSO

16 Mmesa 2020

2020 #11

Setjhaba se ratehang sa CUT

Sewa sa COVID-19 se ntse se tswelapele ho lobokanya maphelo a rona, moruo le boitekanelo ba rona mmeleng le kelellong. Ka hoo, Batsamaisi ba dula ba tshwenyehile ka boitekanelo ba lona. Re a le nnetefalletsa hore ha le a tobana le bothata bona le le bang empa re na le lona mme mmoho re tla bo hlola.

Komiti ya Batsamaisi e leng *Mancom* le Komiti e Kgolo ya Sinoto e tsejwang e le *Senex* di dumellane hore re tla qala ka dithuto tsa rona ka marangrang a thekenoloji ho tloha ka la 20 Mmesa 2020. Re tla le tsebisa dintlha tse ding moraonyana kajeno.

Ke ntshitse dividio tse tharo moo ke fanang ka boitelo ba ka ho lona. Dintlha tse latelang ke kgutsufatso ya molaetsa wa ka:

Ho baithuti: Re itelletse ho le thusa hore le atlehe dithutong tsa lona tsa selemo sa 2020. Ka ntle le ho fetola khalendara ya selemo ya dithuto, re hlophisitse ditsela tse tla le thusa ho fihlella dithuto tsa lona ka mekgwa esele. Yona e kenyelletsa ho fumana disebediswa tsa ileketeroniki tse 4000 tse tla abelwang baithuti ba hlohang ho phahlalla le naha esita le datha ya mahala. Re ntse le loha maano a mang ho thusa baithuti ba dibakeng tsa mahae ba sitwang ho fihlella ditshebeletso tsa thekenoloji. Batlatsi ba Motlatsatjhanselara mmoho le Rejisetara, ba tla le hlaha lesedi ka dithlophiso le tataiso tsa baithuti, lenaneo la kaho ya bokgoni, baithuti ba dithuto tsa *master's* le bongaka esita le baithuti ba matjhaba. Ke a tshepa hore o tla tsepamisa maikutlo melemong ya ho ntlafatsa bokgoni ba hao le ho fumana ditsela tse ntjha tsa ho ithuta.

Video link: [A message to CUT Students on 16 April 2020](#)

Ho basebetsi: Ke lebohela tshehetso ya lona e sa fetoheng. Ke motlotlo ho ba karolo ya lona, le sehlopha se kgothetseng ebile se rateha. Re tla le tataisa hape re le tshehetse ho sebedisa mekgwa e fetotsweng ya tshebetso. Mafapha a lona a tla le tsebisa ka ditsela tse seng di boletswe tsa tshebetso mme re tla arabela dipotso le matshwenyeho a lona ka mora nako e sa fediseng pelo. Batlatsi ba Motlatsatjhanselara ba tla le fa lesedi le batsi mabapi le dithlophiso le metjha tse tla latelwa.

Video link: [A message to CUT Staff on 16 April 2020](#)

Ho baithuti ba mehlang le batshehetsi: Ntle le thuso ya lona, re tla sitwa ho tshehetsa baithuti ba rona. Ha jwale, re ikemiseditse ho sebedisa R14 000 000 ho imolla baithuti ba rona le ho tshehetsa mmuso ka diphuputso tse hlokehang. Feela, matlole a rona a haella mme re kopa hore le re tshehetse ka hohle ka moo le ka kgonang. Ba bang ba baithuti ba rona ba hloka disebediswa tsa ileketeroniki hore ba fihlelle dithuto tsa bona esita le datha hore ba kene inthaneteng ho fumana dithuto tsa bona. Re kopa le re romelle melaetsa kano ya tshehetso ho COVID-19support@cut.ac.za.

Video link: [A message to CUT Alumni and partners on 16 April 2020](#)

Etela webosaete ya rona mmoho le metjha e meng ya dipuisano tsa semmuso ho fumana lesedi le sehlohlolong.

E se e ka Ramasedi a ka le hlohonolofatsa!

Prof. Henk de Jager

Vice-Chancellor and Principal